



**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Juris Canonici A. R.P. Paulo Laymanno Societatis Jesu Theologo SS.
Canonum In Alma, Catholica, Et Episcopali Universitate Dilingana
Professore Qvondam Ordinario, Prælectionibus Academicis Illustrati

Laymann, Paul

Dilingæ, 1673

Capitvlvm XXV. Cùm venisset.

[urn:nbn:de:hbz:466:1-62587](#)

quis admittitur ad testificandum pro Reo.
ita ex communi Farin. q. 65. n. 70.

4. Si aduersarius sciens esse domesticum
testem, contra eum non excipiat, tum ex
eius testimonio maius, aut minus judicium
probatione secundum qualitatem personæ
resultare videtur, sicuti docet Felinus n. 12.
Gabriel n. 52.

5. Domesticus à domino domus coram
agente produci potest testis in subsidium, si
factum difficilis probationis sit, & alii testes
haberi nequeant, quia crimen v.g. furti, do-
mi commissum est, aut de nocte, juxta. Con-
sensu. 9. juncta auth. C. de repudiis. & docent
hic Abbas & Felinus n. 6. ita tamen ut pro-
pter affectionem, quam erga dominum ge-
runt, non censeantur domestici esse testes
integri, omniisque exceptione maiores, teste
Farinacio n. 46. & n. 50.

Verumtamen ex altero capite, si videlicet
domestici ea, quæ domi facta sunt, melius
nosse credantur, tunc aliis testibus etiam
preferri debent. Argum. o. Veniens 38. in fi-
ne hoc tit. & c. 1. Causa. 14. q. 2. & docet
Gabrielius cit. concl. 10. n. 39. Mascaldis concl.
124. n. 48. idque etiam procedere videtur
in causâ matrimoniali, si agatur ad dissolu-
tionem eius ob impedimentum dirimens,
sicuti constat ex c. Videtur 3. qui matrimo-
nium accusare possint: ubi dicitur, quod in
tali casu parentes, alijq; consanguinei testes
esse possunt: igitur etiam domestici.

Hec autem directe obstant huic nostro
capitulo, in quo dicitur, quod ad proban-
dum affinitatis impedimentum contra-
Etum ex copula fornicariâ cum consanguineâ
mulieris postea in vxorem ductæ, testes
domestici nequaquam admitti debeant. n.
cum Baldo & Felin. hic n. 6. ideo repulso
fuisse, quia censebantur participes criminis.
se profiteri, & ideo personæ viles & fide
non dignæ, quare subjungit Papa, ut ad pro-
bandum impedimentum non nisi probatae
vitæ & integræ opinionis testes adhibeatur.

Not. I. Contra matrimonium, id est, cum
agitur ad eius dissolutionem propter impe-
dimentum, non sunt admittendi testes nisi
vitæ probatae.

Not. II. Testes non integros aut suspe- 6
ctos in tali causâ judex ex officio repellere
debet, et si aduersarius litis simulet, adeò ut
si admittantur tales, eorum testimonium
nullius valoris sit, & ne indicium quidem
generet, secundum Felinum in c. Cum dilecti.
n. 11. de accusat. propterea, quod testes in
hoc casu repellendi sint non propter fa-
rem partis, sed ob fauorem Sacramenti. Ar-
gum. o. Licer. 47. in fine, hoc sit.

Ad extremum dicendum est, quod do-
mestici tertio modo, seu familiares, sicuti &
testimonium amici pro amico, & subdit pro
domino ordinariè admittuntur, quamvis
propter affectionem eiusmodi testes non
censeantur esse integri, seu omni exceptio-
ne maiores, nisi suspicio, quæ ex hoc capi-
te oriri posset, ex alio tollatur, quia vide-
licet est vir probatissime vitæ. Videri po-
test Gabrielius n. 21. Mascaldis concl. 86.
Farin. q. 55. n. 181.

CAPITVLVM XXV.

CUM venisset.

P ARAPHRASIS.

Controversiam, quæ super pluribus articu-
lis seu questionibus erat inter Abbatem
de Sicolano & M. Martinum; Lucius III.
judicibus quibusdam delegauit, post-
quam ipsi partes citarunt, mors Papæ su-
peruenit, quamobrem pars altera in ne-
gotio procedere recusavit, eo quod ju-
risdictio judicum extinta censeretur;
& cum illi nihilominus procedere vel-
lent, appellauit, sed mox mutata senten-
tiâ agendo, producendo testes, ac re-
spondendo appellationi tacitè renun-
tiavit, idque judices post testimonia pu-
blicata & conclusionem in causâ, senten-
tiam tulerunt. Hoc processu intellecto
scribit hic Urbanus III. successor Lu-
cii Papæ si ita res acta fuit, ut sententia
illa auctoritate Apostolicâ confirme-
tur, sed & alias questiones, postquam
depositiones testium publicatae fuerint,
vel testium productioni renuntiatum,
judices legitimè definiant, si quæ verò
quæ-

quæstiones restent, super quibus testes nondum produceti sunt, aut ne cum productioni renuntiatum, audiant utrinque testes, ac postea finem debitū imponant. Ita intelligo casum huius textus cum Felino, & videri possunt ea, quæ dixi in *c. Gratuum.* de off. delegati, quod tempore Lucij III. cōtrouersum erat num jurisdictio judicis delegati per mortem delegantis expiret, si citatio facta sit, non item litis contestatio, sed negatiuam partem postea definiuit Urbanus III. huius capituli Author.

S V M M A R I V M.

1. Prosequens litem coram judge, à quo appellavit, censemur appellationi renuntiāsse.
2. Publicatis attestationibus, vel facta utrinque renuntiatione testium, nulla amplius productio testium super iisdem articulis in eadem instantia admittitur.

Not. I. Qui coram judge, à quo appellavit, litem prosequitur, appellationi renuntiare censemur, ita etiam habetur in *c. Gratuum.* & docet gl. int. Si à judge. 18. verb. Teneris de appell. in 6.

2. Not. II. Postquam testium depositiones publicatae sunt, vel productioni testū utrinque renuntiatum est, alij testes super iisdem articulis in eadem instantiā recipi non debent, de hoc dictum est in *c. Fraternitatis.* 17. hoc tit.

CAPITVLVM XXVI.

Series.

PARAPHRASIS.

Duorum nobilium liberi Caius & Sempronia matrimonium contraxerant, cùm autem postea matrimonii accusaretur propter intercedentem consanguinitatem, actor posuit duas personas Titij & Blanca, asserens, & per testes legitimos probans, eas fuisse in 1. gradu consanguinitatis transversali coniunctos, id est, fuisse fratrem & sororem, sed pars altera è diverso producebat testes & instrumentū publicum, quibus probare volebat dictas personas non ita fuisse coniunctas, accusator porrò opponit, testes hos in contrarium non esse recipiendos, judex quoque

confirmat non esse eius Ecclesiae consuetudinem, ut postquam testes recepti sunt, qui consanguinitatem secundum formā canonum computarunt, & probarunt, alij testes ex opposito recipientur. His relatibus Clementi III. respondit ipse, non obstante illā consuetudine, quippe quæ juri contraria est, si nihil aliud obstet, testes recipiendos esse.

S V M M A R I V M.

1. In dubio de impedimento consanguinitatis vel affinitatis, paradigma deriuata cōsanguinitatis secundum formam Canonum exhibendum. Et quæ hac forma.
2. Id quod narratur in publico instrumento incidenter, indicium facit & presumptio nē, sed non plenam probationem.
3. Non valet cōsuetudo, quæ juri naturali aduersatur, aut cum anima periculo jūcta est.
4. In dubio de valore matrimonij publicatis attestationibus, alij aahuc testes super articulo produci possunt.

Not. I. Si dubitetur de impedimento cōsanguinitatis aut affinitatis, paradigma deriuata cōsanguinitatis secundum formam canonum exhiberi debet, forma autem cōputationis est, ut à stipite, seu communi parente, vel saltem duobus nominatis fratribus, aut fratre & sorore fiat inchoatio, & exinde gradus deducantur, ita hic, & in *c. Tua.* 7. de consanguin. & videri potest. 6. 1. *Causa.* 35. q. 5.

Exemplum: accusatur matrimonii Caij cum Semproniā, quod sint quarto gradu cōsanguinitatis linea inæqualis coniuncti: accusator exhibere debet schema coniunctionis, seu arborem consanguinitatis; proponit itaque, & per testes probare paratus est quod Titius & Blanca dudum defuncti fuerint in primo gradu transversali coniuncti, quippe ex eadē matre Placiā geniti, quare cū notorium sit, quod Caius sit nepos Blanca, quippe genitus ex filio eius Lupo, notorium quoque sit, quod Sempronia sit pronepitis Titij, quippe genita ex Publiā, quæ erat filia Lucij, qui erat filius eiusdem Titij necessariō consequi ait, quod dicti Caius & Sempronia in quarto gradu consanguinitatis linea inæqualis juncti sint.

n n

Placi-